

# Isula D'Oghje

Isula d'oghje quale si  
A mezu à l'onda suminata  
Barca chì move è ùn s'affonda  
Per suffià sempre a ventata  
Nantu a so terra à scunfini ?

Isula d'oghje chì ci chjami  
Quandi u sognu hè à u veranu  
Chì tuttu face testimoniu  
A lu misteru più arcani  
E mette à u core i so liami.

Isula cruda chì si perde  
A forza altiera di e virtù  
Quelle chì ti facenu fiera  
A l'ochji di a ghjuventù  
Si u to Palazzu ùn hè più verde.

Isula mea fà chì dumane  
Ch'ellu ne sbucci torna un fiore  
Ch'elli si piantinu i cartucci  
Per fà piazza à lu t'amore  
A u travagliu è à u pane.